

propositis caveant, ne sacerdotes alijs q̄ debitis horis celebrent,
neque ritus alios, aut alias ceremonias, et preces in Missarum
celebratione adhibeant, præter eas, quæ ab Ecclesia probatae
ac frequenti, et laudabili usu receptæ fuerunt. Quarū
dam uero Missarum, et candelarum certum numerum, quæ
magis a superstizioso cultu, q̄ a uera religione inuentus est,
omnino ab Ecclesia remoueat, doceantq̄, populum quis sit, et
a quo potissimum proveniat huius sanctissimi Sacrificij tam
preciosus, ac celestis fructus. Moneant etiam eundem popu-
lum, ut frequenter ad suas Parochias, saltim diebus Domini-
cis, et maioribus festis accedant. Hæc igitur omnia,
quæ summarim enumerata sunt, omnibus locorum Ordina-
rys ita proponuntur ut non solum ea ipsa, sed quæcumq̄
alia huc pertinere uisa fuerint, ipsi pro data sibi a sacro
sancta Synodo potestate, ac etiam ut Delegati Apostolici
prohibeant, mandent, corrigant, statuunt, atq̄ ad ea inuisi-
late seruanda censuris Ecclesiasticis, alijsq̄ penis, quæ
illorum arbitrio constituentur, fidelem populum compellat
Non obstantibus privilegijs, exemptionibus, appellationibus
et consuetudinibus quibuscumq̄.

(16a) Decretum de Reformatione publicatum in eadem Sessione
vi. s. Conc. Trident. die XVII. Septembris 1562.

Eadem sacrosancta synodus r̄c. VI. Reformationis negotium
prosequatur hæc in presenti Sessione statuenda censuit.

Canon Primus

Nihil est, quod alios magis ad pietatem et Dei cultum assiduo
instruat, q̄ eorum uita uita, et exemplum, qui se Diuino mini-
sterio dedicauerunt. Cum enim a rebus saeculi in altiore sublati
locum conspiciantur, in eos tanq̄, in speculum reliqui oculos conij-
ciunt, ex hisq̄, sumunt, quod imitentur. Quapropter, sic docet om-
nino Clericos in sortem Domini uocatos uitam, moresq̄ suos omnes
componere, ut habitu, gestu, incessu, sermone, alijsq̄, omnibus rebus
nil nisi graue, moderatum, ac religione plenum praesepserant.

Leuia etiam delicta, quae in ipsis maxima essent, effugiant, ut eor-
actiones cunctis afferant uenerationem. Cum igitur quo maiori
in Ecclesia Dei et utilitati, et ornamento haec sunt, ita etiam di-
ligentius sunt obseruanda. Statuit sancta Synodus, ut quae alijs
a summis Pontificibus, et a sacris Concilijs de clericorum uita
honestate, cultu, doctrinaq̄, retinenda, ac simul de luxu, com-
mensationibus, choreis, aleis, luscibus, et quibuscunq̄, criminibus
necnon secularibus negotijs fugiendis copiose ac salubriter sen-
tencia fuerunt, eadem in posterum eisdem poenis uel maioribus, ac
bituo Ordinarij imponendis, obseruentur. Nec appellatio exe-
cutionem hanc, quae ad morum emendationem pertinet, susce-
dat. Si qua uero ex his in desuetudinem abisse compererint
ea quam primum in usum reuocari, et ab omnibus accurate
custodiri studeant. Non obstantibus consuetudinibus quibus-
cunq̄, ne subditorum neglecta emendationis ipsi condig-
nas Deo iudice poenas persoluant

Canon II.

Quicumq̄, posthac ad Ecclesias Cathedralis erit assumendus
is non solum natalibus, etate, moribus, uita, ac alijs quae a

12
sacris Canonibus requiruntur, plenè sit præditus. Verum etiam
in sacro ordine antea saltem sex mensium spatio constitutus
quarum rerum instructio (si eius ^{nulla} non sit, aut recens in curia
fuerit, a sedis Apostolica Legatis, seu Nuncijs Provinciarum
aut eius Ordinario; eòq; deficiente a vicinioribus Ordina-
rijs sumatur. Scientia vero, præter hæc eiusmodi possit, ut
muneris sibi iniungendi necessitati possit satisfacere. Ideòq;
antea in Universitate studiorum Magister, sive Doctor
aut Licentiatus in sacra Theologia, vel iure Canonico
merito sit promotus, aut publico alicuius Academiae te-
stimonio idoneus ad alios docendos ostendatur. Quod si re-
gularis fuerit, a superioribus sue religionis similem fi-
dem habeat. Prædicti autem omnes, unde instructio, seu
testificatio erit sumenda, hæc fideliter, et gratis referre te-
neantur. alioquin eorum conscientias graviter oneratas
esse sciant, ac Deum, et suos Superiores habebunt ultores

Canon . III.

Episcopi, etiam tamq̃ Delegati Apostolici ex fructibus, et
proventibus quibuscunq; omnium dignitatum, Personatum
et officiorum in Ecclesijs Cathedralibus, vel Collegiatis, existe-
ntium, tertiam partem in distributiones eorum arbitrio assig-
nandas dividere possint, ut scilicet qui eas obtinent, si
personaliter competens ibi servitium, iuxta formam ab
eisdem Episcopis præscribendam, quolibet die statuto non im-
pleverint, illius diei distributionem amittant, nec eius quo-
quo modo dominium acquirant. sed fabricæ Ecclesiæ, quate-
nus